

ցեալ ունի, յայտնի է հին դարերի պատմա-  
 դիրներին Բարերտոն անունով, այսօր աւե-  
 րակ եւ անրնակ է: Ո՛չ միայն իսլամի իշ-  
 խանութեան շրջանում վերանորոգուած են  
 նրա պարիսպներն ու զօրանոցները, իշխա-  
 նական ապարանքն ու մթերանոցները, այլեւ  
 այդ տեղ աշխատել են բուզանդական ստրա-  
 տելատների, հռոմէական կոնսուլների,  
 Պարթեւ-Արշակունիների եւ Բաղրատունի-  
 ների ծրագրով դարէդար վարպետներ,  
 որոնց իւրաքանչիւր շրջանից մնացորդ-  
 ները նկատելի կերպով իրարից տարբերում  
 են: Նոյն իսկ այդ տեղ Ուրարտացիներից  
 հազարաւոր տարի առաջ շինուած են եղել  
 աչքադարեան ամրոցներ:

Ինչպէս աւերակ է բերզն իր դղեակով,  
 այդպէս էլ աւերակ է քաղաքն իր շուկայով,  
 ուր 3-400 խանութւոր կայ, բայց ժողովուրդն  
 այնքան աղքատ է; որ ոչինչ չի դնում, այլ  
 առուտուրը միայն արտահանութիւնն է:  
 Ամէն կողմից հում նիւթերը-միրգ, մորթի,  
 եղ, պանիր, բուրդ եւ ուրիշ առարկաներ  
 կուտակում, Տրապիզոն են ուղարկում, որ  
 փող ստանան եւ պետական հարկերը վճարեն:  
 Քաղաքում էլ քրիստոնեայ Հայ չկայ, չքա-  
 ցել են արհեստաւորները, չունին հագուստ,  
 նոյն իսկ քօշ կարող չկայ, հիւսն ու որմնա-  
 դիր, որ վերանորոգէ եւ բլուածներն էլ չեն  
 շինում: 400 տուն Հայերից, չորս, հինգ  
 տուն էլ չթողին, որ դերձակ կամ դարբին